

Član 2.

Potpisnici saraduju u područjima navedenim u članu 1. koristeći sljedeće načine i metode ostvarivanja te saradnje:

1. Razmjenu informacija i iskustava;
2. Organizaciju zajedničkih događanja: sastanaka, konferencija, okruglih stolova, foruma na kojima učestvuju stručnjaci i zvaničnici obje strane;
3. Organizaciju zajedničkih konsultacija, inicijativa i aktivnosti s ciljem ostvarivanja što boljih rezultata obje strane u navedenim oblastima;
4. Razvoj zajedničkih inicijativa;
5. Osnivanje zajedničkih radnih grupa za razna područja navedena u članu 1.

Član 3.

Potpisnici će saradivati na nivou gradskih vijeća, gradonačelnika i gradskih uprava, a po potrebi razmjenjivat će iskustva i s drugim institucijama i organizacijama u područjima od obostranog interesa.

Član 4.

Potpisnici mogu pripremiti godišnji Plan aktivnosti za sprovođenje ovog Protokola.

Član 5.

Svaki potpisnik može, uz saglasnost drugog potpisnika, prenijeti rezultate međusobne saradnje trećoj strani.

Član 6.

Svaki potpisnik može predložiti izmjene Protokola koje je dužan uputiti drugom potpisniku na odobrenje. Ako se potpisnici ne dogovore o posebnom datumu, izmjene stupaju na snagu kada se potpisnici međusobno obavijeste o prihvatanju izmjena.

Član 7.

Ovaj Protokol stupa na snagu danom potpisivanja.

Član 8.

Ovaj Protokol sastavljen je u tri primjerka na bosanskom, bugarskom i engleskom jeziku, a sve verzije su vjerodostojne.

Ovaj Protokol potpisan je u _____ dana _____ godine.

Grad Sarajevo
Gradonačelnik
Mr. **Abdulah Skaka**

Grad Sofija
Gradonačelnica
Yordanka Fandakova

Na osnovu člana 40. stav 1. i člana 47. stav 2, alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj 26.07. 2017. godine, donijelo je

ODLUKU**O IZMJENAMA I DOPUNAMA ODLUKE O
PRISTUPANJU IZRADI REGULACIONOG PLANA
"BRDO HRASNO"**

Član 1.

Ovom Odlukom vrše se Izmjene i dopune Odluke o pristupanju izradi Regulacionog plana "Brdo Hrasno" ("Službene novine Kantona Sarajevo", broj 27/14).

Član 2.

U članu 11. vrše se sljedeće izmjene:

- Iza stava 2. dodaje se novi stav 3. koji glasi:

"Zabrana građenja ne odnosi se na kompleks Stadiona "Grbavica", zemljište označeno kao k.č. 2174/2, 2174/1, 2175, 2176, 2177, 2174/3, 2174/4, 2178 i 2179 K.O. Novo Sarajevo II (novi premjer)."

- Dosadašnji stav 4. postaje stav 5. i glasi:

"Za građenje objekata iz stava 2., 3. i 4. potrebno je obezbijediti Stručno mišljenje Zavoda za planiranje razvoja Kantona Sarajevo.

- Dosadašnji stav 3. postaje stav 4., a dosadašnji stav 5. postaje stav 6.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-1268/17
26. jula 2017. godine
Sarajevo

Predsjedavajući
Gradskog vijeća
Dr. **Igor Gavrić**, s. r.